

ԱՐՈՒՃԻ ԴԱՄԲԱՐԱՆԱԴԱՇՏԻ
ՈՒՇԲՐՈՆՁԵԴԱՐՅԱՆ № 5 ԴԱՄԲԱՐԱՆԸ
(Թաղման ծեսը մեկնաբանելու փորձ)

ԳԱՐԵԳԻՆ ԹՈՒՄԱՆՅԱՆ

1990 թ. ՀՀ ԳԱԱ հնագիտության և ազգագրության ինստիտուտի Շամիրամի հնագիտական ջոկատը, ՀՀ նախարարների խորհրդին առընթեր պատմության և մշակույթի հուշարձանների պահպանման և օգտագործման գլխավոր վարչության հետ կնքված պայմանագրով, պեղումներ կատարեց Արուճի (Արագածոտնի մարզ) դամբարանադաշտում, որի տարածքում Դպրեան բնակավայրն են կառուցում Ադրբեջանի Շամախու շրջանի Մատրասա գյուղից հալածված հայ փախստականները:

Դամբարանադաշտը տարածվում է Շամիրամաձորի ձախ ափին, Արուճ գյուղի արևելյան կողմում գտնվող վաղբրոնզեդարյան Ձորաբերդ բնակավայրի դիմաց, Շամիրամի ամրոցից դեպի հյուսիս և Շամիրամի մեծ դամբանաբլուրներից հյուսիս-արևմուտք: Այս դամբարանադաշտում 1976–1977 թթ. պեղվել է երեք դամբանաբլուր, որոնցից երկուսը համարվում է թռեղք-կիրովականյան հնագիտական մշակույթին պատկանող և թվագրվում մ. թ. ա. 2-րդ հազարամյակի I կեսով¹, իսկ երրորդ դամբանաբլուրը թվագրվում է մ. թ. ա. 2-րդ հազարամյակի կեսերով²: Դամբարանադաշտն անվանվում է «դամբանատեղի»³ և նշվում, որ այն «իրենից ներկայացնում է ոչ բարձր թմբի գագաթով հարավից հյուսիս ձգվող... թաղումների շղթա»: Սակայն հնագիտական տեղագնությունում պարզվել է, որ այս դիտողությունը չի համապատասխանում իրականությանը:

Պեղված № 5 դամբարանը գտնվում էր Երևան–Գյումրի ավտոմայրուղուց մոտավորապես 200 մ դեպի հարավ: Այն սկզբնապես ունեցել է 0,7–0,8 մ բարձրությամբ դամբանաթումբ, որի մակերեսին տեղ-տեղ երևացել են դամբանախցի ծածկասալերը: Դամբանաթումբն օղակված է եղել կրոմ-լեխով, որին արևելյան կողմից հպված է եղել ուղղահայաց կանգնեցված տուֆի անմշակ սալերով կառուցված, ուղղանկյուն հատակագծով մի ցանկապատ: Ցանկապատված տարածքը, իր հերթին, ցից դրված սալերի երկու

¹ Գ. Արեշյան, Հ. Սիմոնյան, Գ. Սարգսյան. Հայագիտական կենտրոնի 1976 թվականի դաշտային հնագիտական աշխատանքները. – «Բանբեր Երևանի համալսարանի» (այսուհետև՝ ԲԵՆ), 1977, № 3, էջ 273:

² Գ. Արեշյան, Հ. Սիմոնյան, Գ. Սարգսյան, Գ. Քոչարյան, Հ. Օհանյան. Հայագիտական կենտրոնի 1977–1978 թթ. դաշտային հնագիտական աշխատանքները. – ԲԵՆ, 1979, № 2, էջ 221:

³ Նույն տեղում, էջ 220: Գ. Արեշյան, Հ. Սիմոնյան, Գ. Սարգսյան. նշվ. աշխ., էջ 272:

⁴ Գ. Ե. Արեշյան. Курганы Аруча. – В кн.: "Археологические открытия 1978 года". М., 1979, с. 518.

չարքով բաժանված է եղել արևելք-արևմուտք երկայնական առանցքներով կրկն հատվածների, որոնցից կենտրոնականի արևմտյան մասում գտնվել է թաղման սրահի մուտքը⁵: Հողային աշխատանքների հետևանքով դամբարանի վերգետնյա հատվածն ավերվել էր. դամբանաբլուրը հեռացվել էր մինչև մայր հողի մակարդակը, կից կառույցները և նախամուտքը ոչնչացվել էին: Այնպես որ, պեղումների պահին դամբարանը նկատելի արտաքին նշաններ չուներ: Չկային ծածկասալերը, ինչպես նաև թաղման սրահի հյուսիսարևմտյան անկյան վերին շարքի քարը:

Ուղղանկյուն հատակագծով դամբանասրահն ուղղված էր դեպի արևմուտք, չարված էր տափակ դրված սև գույնի տուֆ քարերով (հինգ շարք, րացառուծյամբ արևելյան պատի), որոնց հիմքերը դրված էին ժայռի վրա: Դամբանասրահի երկարությունը 3,50 մ էր, առավելագույն լայնությունը՝ 2,10 մ (կենտրոնում), խորությունը՝ 1,10-1,25 մ (աղ. I): Երկայնակի պատերը չարված էին որոշ կորուծյամբ, արևմտյան (լայնակի) պատը (երկարությունը՝ 1,80 մ) 0,20 մ-ով կարճ էր արևելյանից: Պատերի չարվածքի ամրության համար կիրառված էր հողաշաղախ (ցեխ): Արևելյան պատի քարերը չարված էին մյուս պատերի քարերից, դրանց չարվածքը ներսի կողմից անհարթ էր, իսկ արևմտյան պատը չարված էր յուրաքանչյուր կանոնավոր, փաստ, որը խոսում է հօգուտ արևելակողմյան մուտքի: Ննջեցյալն ամփոփված էր դամբանասրահի արևմտյան հատվածի կենտրոնական մասում, դիաթաղման եղանակով: 50-60 տարեկան հասակում մահացած տղամարդու կմախքը տեղադրված էր աջ կողքի սրբաքարը կծկված, «քնածի» դիրքով, գլուխը գեպի արևմուտք, դեմքով դեպի հարավ, ստորին ծնոտը գտնվում էր գլխի ետևում⁶: Գանգից դեպի արևմուտք դրված էր վանակատի մեկ ցլեի (աղ. II, 5):

Դամբարանի թաղման սրահի արևմտյան պատի մոտ դրված էին զոհաբերված խոշոր և մանր եղջերավոր կենդանիների կողոսկրեր⁷, ինչպես նաև մեծից փոքր հերթականությունով չարված էին չորս խեցանոթ (աղ. I, աղ. II, 1-4): Դամբանասրահի հարավարևմտյան անկյունում դրված էր սև փայլեցված մակերևույթով մի փոքր կարաս, որի հատակի մոտ թրծումից հետո փոքրիկ անցք էր արված (աղ. II, 1): Զոհաբերված կենդանիների և արևմտյան պատի արանքում տեղավորված էր սև փայլեցված մակերևույթով, միջին բարձրության վզով մի ինքնատիպ սափոր, որի իրանից գեպի ուսերն անցումը կատարված էր ներձկված երկու հորիզոնական գոտիներով (աղ. II, 2): Սափորն ամբողջացող էր, բայց կոտրված: Դրա բեկորներից երկուսը գրված էին ննջեցյալի ոտքերի հետևում: Սափորից դեպի հյուսիս գտնվում էր սև փայլեցված մակերևույթով, կարճ վզով մի խեցանոթ, ուսերին զույգ ատամնավոր անվիկով կատարված բեկյալ-կետազարդ պատ-


⁵ Գ. Արեշյան, Գ. Թումանյան. Արուծի դամբանատեղի N 5 դամբարանը. Հայաստանի Հանրապետությունում 1989-1990 թթ. դաշտային հնագիտական աշխատանքների արդյունքներին նվիրված դիտական նստաշրջան. Ձեկուցումների թեզիսներ (այսուհետև՝ ԴՀԱԱ). Երևան, 1991, էջ 24-26:


⁶ Մարգարանական ուսումնասիրությունը կատարել է մարդաբան Ռ. Ա. Մկրտչյանը:


⁷ Կենդանիների ոսկրերի ուսումնասիրությունը կատարել է ՀՀ ԳԱԱ կենդանաբանության ինստիտուտի առաջատար գիտաշխատող Ս. Գ. Մեծյանը:

Կերներ: Սրահի հյուսիսարևմտյան անկյունում սև փայլեցված մակերևույթով, ուսերին փայլացանց կրող մի քերեղան կար:

Աղ. 1




 Ա - վանակատ
 Բ - խեցատներ



Շամիրամ 2 դամբարանադաշտ
N 5 դամբարան

Չափագրությունը՝
Լ. Վ. Կիրակոսյանի

Պեղումներով հայտնաբերված խեցանոթներն իրենց զուգահեռներն ունեն Հայաստանի և հարակից շրջանների ուշ բրոնզի դարաշրջանի բազմաթիվ հուշարձաններում: Բարձր ուսերով լայնաբերան կարասին աղերսվում են Շամիրամի №5 մեծ դամբարանբլուրից⁸, Արթիկի դամբարանադաշտի վաղ փուլի № 53, 62, 71 և մի շարք այլ դամբարաններից⁹, Շամիրոի շրջանից¹⁰, Վրաստանում՝ Ջեմո Բողբեի №1 (մ. թ. ա. XV–XIV դդ.) և Օլեի №11 դամբարանբլուրներից¹¹ գտնված կավանոթները: Ձևով, չափերով, իրանի ստորին մասում արված անցքով կարծես հիշյալ կարասի նմանակը լինի ուղբորոգեղարյան մշակույթի վաղ փուլին պատկանող Թրեկի №55 դամբարանում հայտնաբերված կավանոթը¹²:

Ուսերը փայլանախ ճեղքվածներով դարձված սափորին (աղ. II, 2) ձևով առնչվում է Լճաշենի առաջին տեղամասի ուղբորոգեղարյան վաղ փուլի №5 դամբարանբլուրից հայտնաբերված ձագարած և պարանոցով սափորը (Հայաստանի պատմության պետական թանգարան (այսուհետև՝ ՀՊՊԹ), հավաքածու 2009/186), որը զարդաբանված է մեկընդմեջ կարմիր և սպիտակ ներկով գունավորված կետածածկ եռանկյուններով: Հորիզոնական ներկված գոտիներով են ձևավորված Քարաշամբի №46 դամբարանից հայտնաբերված սափորի ուսերը¹³: Պարանոցի բարձրությամբ մեր երկու սափորների համեմատ, միջին դիրք է զբաղում Յխինվալիի (Հալաբադի Օսեթիա) անտառկոմբինատի №3 դամբարանից գտնված սափորը¹⁴, որի ուսերը ձևավորված են հորիզոնական դոտիով, իսկ դրանցից վեր փայլեցման եղանակով արված, գազաթով վերև ուղղված եռանկյուններ են: Կարճավիզ խեցանոթին (աղ. II, 3) որոշ նմանություն ունի Քարաշամբի դամբարանադաշտի №60 դամբարանից գտնված անոթներից մեկը¹⁵: Թեք ուսերով «կողավոր» կավանոթները, ավելի շուտ, աղերսվում են մետաղյա սպասքի հետ, ինչպես, օրինակ, Լոռի բերդի դամբարանադաշտի ուղբորոգեղարյան №2 դամբարանում հայտնաբերված կաթսան¹⁶ կամ Տավուշի շրջանի Արծվաբերդ դյուղի մոտ գտնվող Բուղաքաբ դամբարանադաշտից

⁸ Г. Е. Арешян, В. Э. Оганесян, Ф. М. Мурадян, П. С. Аветисян, Л. А. Петросян (այսուհետև՝ Г. Е. Арешян и др.). Конец среднего бронзового века в междуречье Аракса и Куры. — ИФЖ, 1990, № 1, с. 60, табл. II, 10.

⁹ Т. С. Хачатрян. Артикский некрополь. Каталог. Ереван, 1979, с. 133, 136 (верхний слева), 139.

¹⁰ О. А. Даниелян. Впускные погребения из поселений Рустепеси и Иланлы тепе. — "Материальная культура Азербайджана", т. VIII, Баку, 1976, с. 77, табл. Iб, 3.

¹¹ յ. ցօցեյլաւրօ. ձգմօսաջլլտ սախարտլլլտօս ցրմօտա օսցրօրօօս ժօրօտաօրօ քրօժլլլլլլլլլլ յլլ. V. XV-VII սս. (սրլլլլլլլլլլլլ ժսսալլլլլլլլ ժօսլլլլլլլլլլ). օժօլլլլլլլ, 1973, լլաժ. LII, 1, LIII, 2.

¹² տժօլլլլլլլ. սրլլլլլլլլլլլլ յլլլլլլլլլլլ, I, տժօլլլլլլլ, 1978, ճճ. 79, ճսճ. 37, 452.

¹³ Г. Е. Арешян и др. Նլլ. սլլլ., էլ 59, սղ. I, 1:

¹⁴ յ. ցօցեյլաւրօ. Նլլ. սլլլ., սղ. LIV, 2:

¹⁵ Г. Е. Арешян и др. Նլլ. սլլլ., էլ 62, սղ. III, 5:

¹⁶ С. Г. Деведжян. Лори-Берд, I. Ереван, 1981, табл. VI, 2.

գտնված կաթսան¹⁷: Պեղումներով հայտնաբերված քերեղանի (աղ. II, 4) գուգահեռները կարելի է տեսնել Լճաչենի, Արթիկի, Լոռի բերդի և այլ դամբարանադաշտերի ուղբորոնգեղարյան վաղ համալիրներում, Բայբուրթի (Թոեղք)¹⁸, Ցիսինվալի¹⁹ թաղումներում, Մինգեչաուրի բրոնզեդարյան բնակավայրում²⁰:

Այսպիսով, № 5 դամբարանի թաղմանն ուղեկցող խեցանոթների խումբը սերտորեն աղերսվում է հիմնականում ուշ բրոնզի դարաշրջանի վաղ փուլի համալիրներին: Մեր համալիրի ճշգրիտ թվագրմանը նպաստում է հատկապես, մետաղյա անոթների ձևերը կրկնօրինակող խեցանոթների առկայությունը, որոնք, անկասկած, պատկանում են Հայաստանի ուղբորոնգեղարյան մշակույթի վաղ փուլին: Ուստի, Արուծի դամբարանադաշտի № 5 դամբարանը կարելի է թվագրել մ. թ. ա. XV–XIV դդ.: Քանի որ նույն ժամանակաշրջանով են թվագրվում նաև Շամիրամի մեծ դամբանաբլուրները, և դրանցում հայտնաբերված հնագիտական իրերը համահունչ են № 5 դամբարանի նյութերին, ապա չի բացառվում, որ այս երկու հուշարձանախմբերը պատկանեն միևնույն դամբարանադաշտին: Առայժմ դրանք բաժանված են վարելահողով, որի եզրերին նշարվում են դամբարանների հետքեր:

Անդրադառնանք № 5 դամբարանի կառուցվածքի առանձնահատկություններին: Կարծում ենք, թաղման կառույցի վերն արված նկարագրութունից կարելի է եզրակացնել, որ նախ շարվել են դամբանասրահի երեք պատերը, տեղադրվել ծածկասալերը, կատարվել է թաղումը, և ապա շարվել արևելյան պատը մուտքը. շինարարական հնարք, որ հատկանշական է դամբանային նման համալիրներին: Ելնելով կառուցվածքային հիշյալ առանձնահատկություններից և նկատի ունենալով, որ կմախքը և ուղեկցող նյութերը ծածկված էին ջրաբերուկների շերտով, կարելի է ենթադրել, որ դամբանասրահն սկզբնապես հողով լցված չի եղել: Նման դամբարանների գոյությունը Հայաստանում վաղուց հավաստված է հնագիտական պեղումներով: Դամբանասրահի դեպի արևմուտք ուղղվածությունը, ամենայն հավանականությամբ, կապված է «այնկողմնային աշխարհի» մասին եղած պատկերացումների հետ, իսկ արևելք-արևմուտք ուղղությունը ճշգրտությունը հուշում է, որ թաղումը կատարվել է գարնանային կամ աշնանային դիչերահավասարի օրերին: Կրոմլեխով շրջափակված դամբանաթմբով ծածկված ստորգետնյա քարարկղային դամբանասրահը թաղման կառույցի կայուն ձևերից է, որը գոյատևում է Հայկական լեռնաշխարհում վաղ բրոնզեդարից մինչև միջնադար: Կառուցվածքով № 5 դամբարանի գուգահեռը, որն ամենամոտն է նաև տարածական առումով, դրանից մո-

¹⁷ Ս. Ե ս ա յ ա ն. Հայաստանի բրոնզեդարյան մետաղյա սպասքները. — ՀնՍՀ ԳԱ «Լրագր հասարակական գիտությունների» (այսուհետև՝ ԼՀԳ), 1987, № 2, էջ 60-61, աղ. II, 1:


¹⁸ К. Н. П и ц х е л а у р и. Восточная Грузия в конце бронзового века. — "Труды Кахетской археологической экспедиции", вып. III, Тбилиси, 1979, табл. IV a, 7; 6, 5.

¹⁹ Նույն տեղում, աղ. III բ, 4-5:

²⁰ Г. М. А с л а н о в, Р. М. В а и д о в, Г. И. И о н е. Древний Мингечаур. Баку, 1959, с. 41, табл. XXX, 9.

տավորապես 85 մ դեպի հարավ գտնվող միջինբրոնզեդարյան № 4 դամբարանարևուրն է: Համանման թաղման կառույցներից են բաղկացած նաև ոչ հետու գտնվող Շամիրամի մեծ դամբանաբլուրները²¹, ինչպես նաև Վերին նավերի²², Օշականի²³, Սասունիկի²⁴ և պատմական Արագածոտնի բազմաթիվ այլ դամբարանադաշտերի դամբարանների զգալի մասը: Սակայն, իհարկե, հիշյալ տիպի դամբարաններից առավել տպավորիչ են Լճաչենի²⁵, Լոռի բերդի²⁶ և Թոեղքի²⁷ դամբանաբլուրները: Դամբարանների կառուցվածքը, անշուշտ, պայմանավորված է կառուցողների աշխարհայացքով:

Աղ. II



Դամբանաթմբային ծիսակարգի հիմնական գաղափարը համարվում է ննջեցյալների վերածնունդը և ենթադրվում է, որ դամբարանն (ամբողջությամբ) ընկալվել է որպես տիեզերքի մանրակերտ²⁸: Դամբանային համալիրը կառուցելու գործողությունն ինքնին խորհրդանշում էր տարածքի

²¹ Լ. Կ ի Ր ա կ ո ս յ ա ն. Շամիրամի մեծ դամբանաբլուրների ճարտարապետությունը. — ԼՀԳ, 1988, № 10, էջ 88-93:

²² Հ. Ս ի մ ո ն յ ա ն. Պեղումներ Վերին նավերում. — ԳՀԱԱ, 1989, էջ 10-12:

²³ С. А. Е с а я н, А. А. К а л а н т а р я н. Ошакан І. Основные результаты раскопок 1971-1983 гг. Ереван, 1988, с. 82.

²⁴ Н. Е н г и б а р я н. Раскопки могильника в Сасунике. — В кн.: "Археологические открытия 1984 года". М., 1986, с. 431.

²⁵ А. О. М н а ц а к а н я н. Раскопки курганов на побережье оз. Севан в 1956 г. (предварительное сообщение). — "Советская археология" (այսուհետև՝ СА), 1957, № 2, с. 146-153. Ն ու յ ն ի՝ Լчашенские курганы (раскопки 1956 года). — "Краткие сообщения Института археологии АН СССР", вып. 85, М., 1961, с. 66-72.

²⁶ С. Г. Д е в е д ж я н. Նշվ. աշխ., էջ 19-20:

²⁷ Б. А. К у ф т и н. Археологические раскопки в Триалети, I. Опыт периодизации памятников. Тбилиси, 1941.

²⁸ Е. А. С а в о с т и н а. Сакральное пространство и погребальный обряд боспорских гробниц. — В кн.: "Исследования в области балто-славянской духовной культуры. Погребальный обряд". М., 1990, с. 241.

սրբագործումը: Եզրագծելով դամբարանի կրոմլեխը, հները, հավանաբար, սահմանազատում էին «այս» և «այն» աշխարհները²⁹: Դիաթաղման եղանակը, ըստ երևույթին, այնքան հին է, որքան «թաղում» հասկացությունն ընդհանրապես: Ուշերոնդեդարյան Հայաստանում այն կարող էր կապված լինել մեռնող-հառնող Արա աստվածությունից մասին եղած պատկերացումների հետ³⁰: Շատ հին է նաև տղամարդ ննջեցյալներին գերեզմանում աջ կողքին պառկեցնելու սովորությունը³¹: Ինչպես հայտնի է, մասնավորապես հնդեվրոպական ավանդույթում «աջը» կապված էր արական, իսկ «ձախը» իգական սկզբի հետ³²: Դամբարանում ննջեցյալին այս կամ այն դիրքով ամփոփելը, հավանաբար, նույնպես որոշակի պատկերացումների արտացոլումն է³³: Հնարավոր է, որ քնած մարդու դիրքով թաղումը կապված լինի մահը որպես «քուն» ընկալելու հետ: «Քնածն ու հանգուցյալը նման են իրար-Արդյոք քունը մահվան պատկերը չէ՞», – ասում է Ուտնափիշտին Գիլգամեշին³⁴: Մահ-քուն առնչությունը վերաբերյալ արժեքավոր տեղեկություններ կան հայ բանահյուսությունում³⁵:

Դամբարաններում վանակատի և կայծքարի բեկորներ դնելու արարողությունը հյուսիսարևելյան Հայաստանում գոյություն է ունեցել դեռևս պղնձեքարեդարում³⁶: Հանգուցյալի գլխի մոտ վանակատի կամ կայծքարի կտորներ գետեղելը, հավանաբար, մտել է չար ոգիները (չար աչքը) նրանից վանելու ծիսակատարությունների պահպանական համակարգի մեջ³⁷: Երբեմն ննջեցյալի գլխի կողմում տեղադրվել է վանակատե նետասլաք³⁸: Թերևս ավելորդ չէ հիշել, որ մետաղե առարկաները նույնպես տեղադրվել են, որպես կանոն, դիակի գլխի կողմում³⁹: Այդ արարողությունը ևս, ամե-

²⁹ В. С. О л ь х о в с к и й. Погребально-поминальная обрядность в системе взаимосвязанных понятий. – СА, 1986, № 1, с. 68.

³⁰ Г. К а п а н ц я н. Историко-лингвистические работы. Ереван, 1956, с. 274, 306.

³¹ В. Т э р н е р. Символ и ритуал. М., 1983, с. 99.

³² Т. В. Г а м к р е л и д з е, В я ч. В с. И в а н о в. Индоевропейский язык и индоевропейцы. Реконструкция и историко-типологический анализ праязыка и протокультуры. Т. II. Тбилиси, 1984, с. 784.

³³ Л. В у л л и. Ур халдеев. М., 1961, с. 54.

³⁴ Эпос о Гильгамеше ("О все видавшем"). Перевод с аккадского и коммент. И. М. Дьяконова. М. – Л., 1961, с. 71.

³⁵ Սասունցի Դավիթ. Երևան, 1961, էջ 237: Գ. Ս Ր Վ Ա Ն Ժ Մ Յ Ա Ն Գ. Մանանա. Կ. Պոլիս, 1876, էջ 317: Ս. Բ. Հ ա Ր Ն Լ Թ Յ Ն Ե Յ Ա Ն. Հայ ժողովրդական հանելուկներ. Երևան, 1965, էջ 108 և այլն:

³⁶ О. А. А б и б у л л а е в. Энеолит и бронза на территории Нахичеванской АССР. Баку, 1982, с. 39-50.

³⁷ Б. В. Т е х о в. Тлийский могильник (комплексы XVI – X вв. до н. э.). Тбилиси, 1980, с. 52-53; А. Е. С и м о н я н. Obsidian и кремь как атрибуты погребального обряда. – "Вопросы изучения армянской народной культуры (культура и язык)". VIII конференция молодых ученых. Тезисы докладов. Ереван, 1988, с. 79-81.

³⁸ Г. П. К е с а м а н л ы. Хачбулагский курган с массовым захоронением. – "Материальная культура Азербайджана", т. VIII, Баку, 1976, с. 55.

³⁹ Т. С. Х а ч а т р я н. Древняя культура Ширака (III – I тыс. до н. э.). Ереван, 1975, с. 141.

նայն հավանականությամբ, «չարխսփան» նպատակ է հետապնդել, քանի որ, ըստ հին հավատալիքների, չար ոգիները խուսափում էին մետաղից⁴⁰:

Այժմ քիչ ավելի մանրամասն անդրադառնանք հանգուցյալի ստորին ծնոտը դանգից անջատելու արարողությանը, որը կիրառվել է բրոնզեդարյան Հայաստանում և դոյատևել մինչև հելլենիստական գարաշրջանը: Քարաշամբի դամբարանադաշտի մի շարք դամբարանների համար գանգերից ծնոտների հեռու գտնվելը օրինաչափ է համարվում⁴¹: Նման երևույթ է դիտարկված Սյունիքի որոշ թաղումներում (Տանձավերի Միջակ արտ դամբարանադաշտ⁴², Սիսիանի փորձակայանի տարածք⁴³ և այլն), Շամխուրի շրջանի Ռուսթեփեսի բնակավայրի № 1 ներթող թաղումում⁴⁴, Կարմիր ըլուրի հելլենիստական դամբարաններից մեկում⁴⁵ և բազմաթիվ այլ դամբարաններում: Կարծում ենք, որ ստորին ծնոտը դանգից անջատելու արարողության հիմքում ընկած է հանգուցյալին չար ոգիների վնասաբեր ազդեցությունից պահպանելու և նրա վերածննդին նպաստելու ձգտումը: Ինչպես Հայտնի է, ըստ հին հավատալիքների, դիակիզման խարույկի կամ դամբարանի տարածքը համարվում էր չար ոգիների բնակության վայրերից մեկը: Նրանց վնասագերծելու նպատակով ծիսական տարածքը «մաքրագործվում էր» կրակով և ջրով, պահպանական նկատառումներով օղակվում էր սրբազան շրջանով (քարե, հողե, փորված), սփռվում էին վանակատի և կայծքարի բեկորներ, արվում էին զոհաբերություններ, արտասանվում աղոթքներ:

Հեռացե՛ք, ցրվեցե՛ք և սողալով ցրիվ եկեք այստեղից,
Նրա՛ համար են հայրերն այս վայրը նախապատրաստել⁴⁶:

Կատարվում էին բազմաթիվ այլ արարողություններ, որոնք կոչված էին ապահովելու ննջեցյալի ծիսական մաքրությունը: Այդ բոլորը քիչ համարելով, հուղարկավորողները ծիսական զանազան հնարքների օգնությամբ փորձում էին «նախնիների ճանապարհով ընթացողի» համար ձեռք բերել աստվածների բարյացակամությունը: Ըստ երևույթին, հատկապես կարևոր էր հանգուցյալի հանդեպ այն աստծո բարեհաճությունը, ով տնօրինում էր ճանապարհները և ուղեկցում մահացածներին⁴⁷: Ծանապարհների պահա-

⁴⁰ А. Р. Исраелян. Колокольчики и бубенцы в армянских народных верованиях. — ИФЖ, 1993, № 1-2, с. 148-149.

⁴¹ Վ. Հ ո վ հ ա ն ն ի ս յ ա ն, Ֆ. Մ ու ռ ա դ յ ա ն. Քարաշամբի դամբարանադաշտի № 117 դամբարանը. — ԼՀԳ, 1986, № 4, էջ 91:

⁴² Օ. Խ ն կ ի կ յ ա ն. Պեղումներ Տանձավեր և Շիկահող գյուղերում. — ՊԲՀ, 1975, № 2, էջ 239:

⁴³ Օ. Ս. Խ ն կ ի կ յ ա ն. Սիսիանի միջին բրոնզեդարյան դամբարանները. — ԲԵՀ, 1992, № 3, էջ 42:

⁴⁴ Օ. А. Даниелян. Նշվ. աշխ., էջ 76:

⁴⁵ Г. А. Тирацян. Культура древней Армении. VI в. до н. э. — III в. н. э. (по археологическим данным). Ереван, 1988, с. 102-103, рис. 21.

⁴⁶ Ригведа. Избранные гимны. Перевод, комментарий и вступительная статья Т. Я. Елизаренковой. М., 1972, X, 14, 9.

⁴⁷ Ригведа. Мандалы I-IV. Издание подготовила Т. Я. Елизаренкова. М., 1989, I, 42.

պան այդ աստվածությունը, որը սերտորեն առնչվում էր արեգակի հետ և մարմնավորում նրա բարեբեր ուժը, Պուշանն էր, որի մասին տեղեկություններ են պահպանվել հին հնդկական գրական հուշարձաններում: Պուշանը (բառացի նշանակությունը՝ «ծաղկող», «փթթող») նպաստում էր արտավայրերի, անասունների և մարդկանց բարգավաճմանն ընդհանրապես և, հավանաբար, օգնում էր նաև ննջեցյալների վերածննդին⁴⁸: Հին և նոր ասավածների ընդհարման ժամանակ նրա ստորին ծնոտը պոկվել էր (այլ տարբերակով՝ փշրվել էին ատամները), որից հետո նա սնվում էր շիլայով: Պոկված ստորին ծնոտը դարձել էր Պուշանի կերպարի առանձնահատկություններից մեկը⁴⁹: Եթե նկատի ունենանք, որ հին մարդու մտածողությամբ որևէ աստծո, հերոսի կամ առասպելական էակի բարեհաճությունը նվաճելու լավագույն միջոցը նրան նմանվելն էր, իրեն նրա հետ նույնացնելը⁵⁰, ապա, հավանական է, որ հովանավոր աստվածությունը նմանեցնելու միտումով զոհաբերելին հանգուցյալի ծնոտը, իսկ ուտելիքների թվում մի աման շիլա դնելին դամբանասրահում որպես զոհաբերություն Պուշանին: Իր անվան ստուգաբանությամբ, միաժամանակ բնութայնը և հանդերձյալ աշխարհին առնչվածությունը, բերրիություն և բարեկեցություն պարզեցնելու ունակությունը և մի շարք այլ բնորոշ գծերով վեդայական Պուշանի կերպարը կարող է համադրվել Հայկական դիցաբանություն Արային:

Ինչպես վերև ասվեց, դամբարանում գտնված կավանոթներից մեկը ջարգված էր, և բեկորներից երկուսը գտնվում էին անոթից բավականաչափ հեռու, հանգուցյալի ոտքերի մոտ, դամբանասրահի հատակին: Հետևաբար, սափորը ջարգվել էր որոշակի դիտավորությամբ, նախքան ջրաբերուկների դամբանասրահ թափանցելը: Խեցանոթները կոտրելու ծիսական գործողությունը վաղուց հետադոտողների տեսադաշտում է: Այն, ըստ երևույթին, ննջեցյալի վերածննդին նպատակաուղղված արարողություններից էր⁵¹: Կարելի է ենթադրել, որ գույքը ջարգելու սովորություն հիմքում ընկած է այն պատկերացումը, որ ամբողջականությունը կորցնելուց հետո միայն այն կողմնային աշխարհում իրերը կարող են ծառայել իրենց նպատակին:

Պեղածո նյութը հնարավորություն է ընձեռում խոսելու նաև թաղման ծեսում օգտագործված անոթների հարդարման խնդրի շուրջ: Վերը հիշատակվեց, որ հետազոտված դամբանասրահում հայտնաբերված կարասի իրանի ստորին մասում, նստուկին կից 1 սմ տրամագծով անցք է արված (աղ. II, 1), իսկ կարճապարանոց կավանոթի ուսերին ատամնավոր պտտադրոշմով արված են կետագարդ բեկյալ գծեր՝ օձի և, հավանաբար, շան ռճավորված պատկերներ (աղ. II, 3): Երկու դեպքում էլ լրահարդարումները կատարվել են խեցանոթների թրծումից հետո (այդ իսկ պատճառով զարդաբանվածքն անհրաժեշտ որակը չունի), մինչդեռ, ինչ խոսք, ա-

⁴⁸ Ригведа, X, 14, 8.

⁴⁹ Мифы народов мира, т. 2. М., 1982, с. 353; Ю. А. III и л о в. Космические тайны курганов. М., 1990, с. 129-130.

⁵⁰ М. Э л и а д е. Космос и история. Избранные работы. М., 1987, с. 55.

⁵¹ Э. Ц е р е н. Библейские холмы. М., 1966, с. 364, 385.

ուսվիլ նպատակահարմար կլինե՞ր նույնը կատարել թրծումից առաջ. թաց կավի վրա: Հետևաբար, այս երկու խեցանոթներն էլ չեն պատրաստվել հատկապես հուղարկավորութայան համար և, ամենայն հավանականութամբ, մինչ թաղումը գործածվել են: Հուղարկավորութունից առաջ պարանյ վրա յրացուցիչ շտկումներ են կատարվել՝ անոթները համապատասխանեցնելով թաղման ծեսի պահանջներին: Այս առումով հետաքրքիր է հիշատակել, որ ուշբրոնզեդարյան դամբարաններում գտնվող այն անոթները, որոնց փորագիր և փայլեցմամբ կատարված զարդերը ծածկված են մածուկային ներկով արված պատկերներով, ներկվել են թրծելուց հետո⁵²: Տևդին է նաև նկատել, որ Վանի թագավորութայան ժամանակաշրջանում նույնպես որպես աճյունասափոր օգտագործված կավանոթների ուսերին անցքեր են արվել թրծելուց հետո, հավանաբար, թաղումից անմիջապես առաջ⁵³:

Ինչպես հայտնի է, ավանդական պատկերացումներով օձը համարվում է անդրաշխարհի բնակիչ: Նա ստորին աշխարհի հիմնական առասպելաբանական էակն է⁵⁴, որն ապրում է կենաց ծառի արմատների մոտ⁵⁵: Առասպելական օձի կերպարը կապված է ոչ միայն մահվան, այլև վերածննդի գաղափարի հետ⁵⁶: Հնից է դալիս նաև այնկողմնային աշխարհում հոգիներին ուղևորող շների մասին պատկերացումը: Ժողովրդական հավատալիքներում շունը (ինչպես և գայլը) միջնորդ է ողջերի և մեռածների աշխարհների միջև: Շունը, լինելով մահվան թագավորութայան պահապանը, միաժամանակ հարություն է տալիս մահացածներին⁵⁷: Այնպես որ, հիշյալ սափորի վրայի օձի և շան ոճավորված պատկերները, խորհրդանշելով այնկողմնային աշխարհի սահմանները կամ սահմանային ջրերի ակունքն ու գետարևրանը, միգուցե, մահվան և վերածննդի գաղափարների փոխկապակցվածության արտահայտություններն են: Այս անոթն իր պարունակով յուսմ, հավանաբար, նախանշված է եղել այնկողմնային աշխարհի տիրակալի համար: Վերածննդի, հարության գաղափարի հետ կարող է կապված լինել դամբանասրահում տեղադրված կարասի նստուկի մոտ անցք փորելը, որը, ինչպես վերն ասվեց, արվել է խեցանոթը ծիսական նպատակներին հարմարեցնելու միտումով, թրծումից հետո: Բրոնզեդարյան դամբարաններում հաճախ են հանդիպում խեցանոթներ, որոնց իրանի ստորին մասում, հատակին կից կամ նստուկին անցքեր են արված լինում: Իրանի ստորին հատվածում շաղափված անցք ունեն Վերին Նավեր դամբարանադաշտի N^o 12 դամբանաբլուրի փոքր «կարասները» և N^o 23 դամբանաբլու-

⁵² К. Н. Пицхелаури. *Նշվ. աշխ.*, էջ 40: Վ. Հ ո վ հ ա ն ն ի ս յ ա ն, Ֆ. Մ ու ռ ա դ յ ա ն. *Նշվ. աշխ.*, էջ 95:

⁵³ Б. А. К у т и н. Урартский "Колумбарий" у подошвы Арарата и Куро-Аракский энеолит. — "Вестник Государственного музея Грузии", вып. XIII-B, Тбилиси, 1944, с. 70. Հ. Ա. Մ ա ռ ի ը ո ս յ ա ն, Ռ. Մ. Թ ո ռ ո ս յ ա ն. *Արգիշթիխի-նիլիի սարկոֆագը.* — ՊԲՀ, 1986, № 3, էջ 224:

⁵⁴ Т. В. Г а м к р е л и д з е, В я ч. В с. И в а н о в. *Նշվ. աշխ.*, էջ 525:

⁵⁵ В я ч. В с. И в а н о в, В. Н. Т о п о р о в. Исследования в области славянских древностей. М., 1974, с. 5.

⁵⁶ В. Я. П р о п п. Исторические корни волшебной сказки. Л., 1986, с. 275.

⁵⁷ Մ. Հ ա ռ ու թ յ ու ն յ ա ն. Մի զրվագ հայ առասպելաբանութունից. — ՊԲՀ, 1989, № 1, էջ 157-166:

րի կարմիրբերդյան կճուճը,⁵⁸ Երևանի Կիրզա (Զեյթուն) թաղամասի դամբարաններից մեկում հայտնաբերված անոթը (մ. թ. ա. XVII–XVI դդ.)⁵⁹, Լճաշենից (դամբ. № 6 և 38), Գողթից⁶⁰ գտնված կավանոթները, Սասնաշենի № 1 դամբարանի ննջեցյալի գլխավերևում դրված անոթներից մեկը⁶¹, Գեղարոտի № 2 կրամլեխի ուղբոնգեդարյան խեցանոթներից մեկը (ՀՊՊԹ, հավաք. 2209/9), Անգեղակոթի № 7 դամբարանում հայտնաբերված երկու անոթները (մ. թ. ա. IX–VIII դդ.)⁶²: Մենք դիտավորյալ մատնանշում ենք միայն այն անոթները, որոնց անցքերը փորվել են նստուկին կից (ուսերին անցքեր ունեցող անոթների, ինչպես նաև նստուկին արված անցքով աճյունասափորների շրջված դիրքով գործածումը թաղման ծեսում կապված է այլ հավատալիքների հետ): Չենք կարող չհամաձայնվել, որ հիշյալ խեցանոթների մեջ հեղուկ է լցվել, իսկ անցքերը ծորակների դեր են կատարել⁶³: Սակայն, ըստ երևույթին, ճիշտ չէ նախկինում արված այն դիտողությունը, թե «նման կավանոթները կապված են եղել հեղուկի ամենօրյա օգտագործման հետ»⁶⁴: Կարծում ենք, վերն ասվածից արդեն պարզ դարձավ, որ այս խեցանոթներն ամենօրյա գործածություն ընթացքում «ծորակներ» չեն ունեցել, անցքերն արվել են թաղման ծեսի պահանջներից ելնելով: Հավանաբար, անհրաժեշտ էր, որպեսզի անոթի մեջ լցված հեղուկը հոսեր և տարածվեր դամբանասրահում: Այս արարողություն հիմքում կարող էր ընկած լինել մկրտություն գաղափարը, որը համարժեք է ծիսական մահվանը և որին հետևում է վերածնունդը: Տիեզերական մոտեցմամբ այն նույնացվում է ջրհեղեղին⁶⁵: Կյանքի ջրային նախասկզբի, ծննդի և հարույթյան ըմբռնումները հին հավատալիքներում սերտորեն միահյուսված էին իրար: Թալմուդում ասացվածք կա. «Աստված երեք աղբյուր ունի՝ անձրևի, ծննդի, մեռյալների հարույթյան»⁶⁶: Իրանական ավանդույթում նոր տարվա օրն աստված մեռյալներին հարույթուն է պարգևում և հրամայում է երկնքին անձրև տեղալ: Հին հնդկական Վարունա աստվածությունը ձոնված օրհներգերից մեկում ասվում է.

Յածում անցք ունեցող տակառից՝ Վարունան

Ջուրը թափեց երկու աշխարհների վրա (և) օդային տարածություն մեջ:

Նրանով ողջ տիեզերքի արքան

Ոռոգում է հողը, ինչպես անձրևը՝ հացահատիկը⁶⁷:

⁵⁸ А. Е. С и м о н я н. Новая трактовка социокультурной общности эпохи средней бронзы Армении (по данным погребения № 12 из могильника Верин Навер). — ИФЖ, 1990, № 1, с. 193. Ն ու յ ի՝ Два погребения эпохи средней бронзы могильника Верин Навер. — СА, 1984, № 3, с. 126.

⁵⁹ Ս. Ա մ ի ր յ ա ն. Հնագիտական նոր հայտնաբերում Երևանի տերիտորիայում. — ՊԲՀ, 1969, № 3, էջ 268, աղ. I, 1:

⁶⁰ Նույն տեղում, էջ 271, աղ. I, 12:

⁶¹ Սասնաշենի հիշյալ դամբարանի չհրատարակված նյութը սիրալիբ կերպով մեզ է տրամադրել հնագետ Պ. Ս. Ավետիսյանը:

⁶² Օ. Խ ն կ ի կ յ ա ն. Պեղումներ Անգեղակոթում. — ԼՀԳ, 1978, № 3, էջ 104:

⁶³ Ս. Ա մ ի ր յ ա ն. նշվ. աշխ., էջ 272:

⁶⁴ Նույն տեղում:

⁶⁵ М. Э л и а д е. նշվ. աշխ., էջ 72:

⁶⁶ Նույն տեղում, էջ 75:

⁶⁷ Ригведа, V, 85, 3.

Մեռյալները, որոնք չէին ուզում հեռանալ դեպի «հողե տունը», ներում և գթություն էին հայցում տիեզերքի տիրակալ Վարունայից: Նրա տակառից թափվող ջուրը, հավանաբար, պիտի օդներ մեռյալների հարուստիանը: Հիշենք նաև, որ դամբարաններում հայտնաբերվել են նաև խեցանոթներ, որոնց մեջ գետաքար է դրված եղել (Արթիկ⁶⁹, Աշտարակ⁶⁹): Գետաքարը, անշուշտ, խորհրդանշում է ջուրը, որը, հետազոտողների կարծիքով, դամբարանը չար ոգիներից մաքրագործելու միջոց է⁷⁰:

Այսպիսով, Արուճի դամբարանադաշտի №5 դամբարանում հանգուցյալն ամփոփվել է դիպրոման եղանակով, «քնածի» դիրքով: Պեղումներով հայտնաբերված փաստերի հիման վրա կարելի է եզրակացնել, որ կատարվել են մի շարք արարողություններ (ննջեցյալի ստորին ծնոտը հանդուցյալների հովանավոր աստվածուհիները գոհաբերելը, խեցանոթներից մեկը թաղումից անմիջապես առաջ օձի և շան պատկերներով զարդաբանելը, մեկ այլ կավանոթի կոտրելը, դամբարանում անցքով օժտված անոթի տեղադրելը), որոնք ուղղված են եղել թաղման ծեսի հիմքում ընկած մեկ միասնական նպատակի իրագործմանը՝ հանդուցյալի վերածնունդը նախապատրաստելուն: Հավանաբար, նույն դերինըրով էր պայմանավորված թաղման համալիրի կառուցվածքը: Վերածնունդը նախապատրաստող ծիսական համակարգը լրացվել է ննջեցյալի ծիսական մաքրությունն ապահովող սպասական մի շարք արարողություններով (կրոմլեխի կառուցում, կրակի և ջրի օդնոթյամբ թաղման համալիրի տարածքի մաքրագործում, դամբարանով մեկ վանակատի և կայծքարի բեկորների սփռում, ննջեցյալի գլխի մոտ դրանց զետեղում և այլն), առանց որի, հավանաբար, անիմաստ կլինեին վերածննդի հույս ունենալ:

ПОЗДНЕБРОНЗОВЫЙ КУРГАН № 5

МОГИЛЬНИКА АРУЧ

(Попытка интерпретации погребального обряда)

ГАРЕГИН ТУМАНЯН

Р е з ю м е

В 1990 г. Шамирамским отрядом Института археологии и этнографии НАН Республики Армения в могильнике Аруч (округ Арагацотн) раскопано погребение, наземные сооружения которого (курган высотой 0.7-0.8 м, кромлех и примыкающие к нему постройки) были снесены во время мелиоративных работ. Погребальная камера размерами 3,50 x 2,10 x 1,25 м представляет собой прямоугольный ящик из уложенных плашмя туфовых плит, ориентированный на

⁶⁹ Т. С. Х а ч а т р я н. Древняя культура Ширака, с. 150.

⁶⁹ Գ. Թ ու լ մ ա ն յ ա ն. Աշտարակի խոջաբաղերի ուղբոնգեդարյան դամբարանները. — ՊՐՀ, 1997, № 2, էջ 253:

⁷⁰ Т. С. Х а ч а т р я н. Древняя культура Ширака, с. 149.

запад. Усопший был погребен способом труположения, на правом боку, в позе "спящего", головой на запад, лицом на юг. Отделенная от черепа нижняя челюсть лежала сзади от головы погребенного. У головы находился обсидиановый отщеп, обнаружены ребра крупных и мелких рогатых животных. У западной стены находились четыре керамических сосуда. На основании раскопанного археологического материала делается попытка интерпретации ритуалов, которыми был обставлен погребальный обряд, имевший целью поддержание ритуальной чистоты и приготовление возрождения погребенного. Курган датируется XV-XIV вв. до н. э.

LATE BRONZE AGE BARROW № 5 IN ARUCH CEMETERY
(An attempt of funeral rites interpretation)

GAREGIN TUMANYAN

S u m m a r y

In 1990 a barrow was excavated in cemetery Aruch (Aragatsotn Marz) by "Shamiram" team of the Institute of Archaeology and Ethnography, NAS, Republic of Armenia. The surface constructions of the barrow (burial mound with height of 0.7-0.8m, cromlech, and adjacent buildings) were carried away during reclamation works. The funeral camera with a size of 3.50x2.10x1.25m was a rectangular box built from flat laid slabs of tuff and directed to west. The corpse was interred on its right side in a "sleeper" position with the head to the west and the face turned southwards. The lower jaw was separated from the skull and placed behind the head of the corpse. There was an obsidian chip next to the head. At the west wall of the funeral camera ribs of domestic horned animals and four ceramic vessels were found. On the basis of the excavated archaeological material, an attempt was made to interpret the rituals, which were the constituents of the funeral rites. The latter was aimed to maintain the ritual purity and prepare revival of the buried. The barrow is dated to the 15th-14th centuries B.C.